



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 444  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-330-5/25**

Datum: **23.09.2025. godine**

„Agencija za vodno područje rijeke Save“ Sarajevo postupajući po zahtjevu Investitora „Diax“ d.o.o. Sarajevo za donošenje Rješenja o prethodnoj vodnoj saglasnosti u svrhu izrade dijela projektne dokumentacije za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za obradu kamena, na osnovu člana 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

### **R J E Š E N J E**

#### **o prethodnoj vodnoj saglasnosti**

1. Investitoru, „Diax“ d.o.o. Sarajevo daje se prethodna vodna saglasnost u svrhu izrade projektne dokumentacije za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za obradu kamena, predviđenog za gradnju na zemljištu označenom kao k.č. 2330/11 K.O. Brestovsko, Dugo Polje, općina Kiseljak, a u postupku pribavljanja okolinske dozvole ukoliko predmetni objekat i aktivnost podliježe obavezi ishodovanja okolinske dozvole.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode, ispuštanje sanitarno-fekalnih otpadnih voda, a za čije je izdavanje nadležno Ministarstvo poljoprivrede, vodoprivrede i šumarstva Srednjobosanskog kantona u skladu sa članom 139. stav (2) tačka 1., 2. Zakona o vodama.
3. Prethodna vodna saglasnost se daje na osnovu činjeničnog stanja utvrđenog pregledom dostavljene dokumentacije i pod slijedećim uslovima:
  - 3.1. Da je planirana izgradnja pogona za obradu kamena na zemljištu označenom kao k.č. 2330/11 K.O. Brestovsko usklađena sa važećom prostorno-planskom dokumentacijom i razvojnim planovima općine Kiseljak.
  - 3.2. Da lokacija predmetnog objekta bude izvan vodnog dobra, linije plavljenja lokalnih vodotoka te izvan zaštitnih zona izvorišta vode za piće te da nije u koliziji sa planiranim objektima za zaštitu od štetnog djelovanja voda.
  - 3.3. Da se na osnovu proračunatih količina i sastava otpadnih voda koje mogu nastati na predmetnom lokalitetu uradi investiciono tehnička dokumentacija sistema za prikupljanje otpadnih voda – separatnog tipa, prečišćavanje nastalih tehnoloških otpadnih voda i ispuštanje prečišćenih voda u definisani recipijent. Investiciono tehnička dokumentacija treba biti urađena na nivou projekta za pribavljanje odobrenja za građenje u skladu sa važećom zakonskom regulativom vezano za građenje.
  - 3.4. Investiciono-tehnička dokumentacija treba biti urađena od strane pravnog lica koje ima ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj, a naročito:
    - Kompletan proračun kvantitavnih i kvalitativnih karakteristika svih otpadnih voda koje će nastajati na lokaciji predmetnog pogona za obradu kamena sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent. Sagledati mogućnost ponovnog korištenja prečišćene vode (iz taložnog/ih bazena) u proizvodnom procesu (recirkulacija).
    - Proračun kvantitavnih i kvalitativnih karakteristika svih otpadnih voda, koje nastaju na predmetnom lokalitetu, odnosno drugih otpadnih i štetnih materija.

- Tehničko rješenje tretmana tehnoloških i drugih otpadnih voda sa predmetne lokacije sa svim potrebnim proračunima i tehničkim opisom.
  - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda treba biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
  - Tehničko rješenje zbrinjavanja taloga iz postrojenja za prečišćavanje otpadnih voda.
  - Tehničko rješenje za monitoring i način monitoringa zahvaćenih voda i ispuštenih otpadnih voda u definisani recipijent.
  - Tehničko rješenje zahvata vode, mjesto vodozahvata i podatke o potrebnim/zahvaćenim količinama vode za potrebe rada predmetnog pogona za obradu kamena.
  - Sagledati mogućnost nastajanja neželjenih uticaja na kvalitet površinskih i podzemnih voda i dati prijedlog mjera za ublažavanje istih.
- 3.5. Samo oborinske vode sa krovova objekta se mogu bez prečišćavanja upustiti u recipijent.
  - 3.6. Usvojenim sistemom prečišćavanja voda treba se obezbjediti da prečišćene otpadne vode, prije ispuštanja u recipijent, trebaju da zadovolje granične vrijednosti emisije definisane u tabeli 1. priloga 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20, 1/24).
  - 3.7. Projektnom dokumentacijom sagledati sve moguće neželjene uticaje kako na planirani objekt, tako planiranih sadržaja na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
  - 3.8. Projektnom dokumentacijom definisati da se opasni materijal i otpad, kako u toku izvođenja radova tako i u toku rada predmetnog pogona za obradu kamena ne smije ni privremeno odlagati na česticu „vodno dobro”, odnosno u vodotok i na njegove obale.
  - 3.9. Pri izradi tehničke dokumentacije pridržavati se uslova iz urbanističke saglasnosti, pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
  - 3.10. Investiciono tehnička dokumentacija treba biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Nakon izrade projektne dokumentacije u skladu sa uslovima iz tačke 3. dispozitiva ovog rješenja a prije pribavljanja odobrenja za građenje, korisnik prethodne vodne saglasnosti dužan je ovoj Agenciji podnijeti zahtjev za izdavanje vodne saglasnosti na projektnu dokumentaciju za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog pogona za obradu kamena na zemljištu označenom kao k.č. 2330/11 K.O. Brestovsko, mjesto Dugo Polje, općina Kiseljak, u definisani recipijent.
  5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20, 63/22).  
Uz zahtjev se između ostalog prilaže:
    - Investiciono-tehnička dokumentacija urađena u skladu sa uslovima iz dispozitiva ovog rješenja,
    - Rješenje o urbanističkoj saglasnosti izdato od strane nadležnog organa,
    - Rješenje o okolinskoj dozvoli ili potvrda nadležnog organa da ista nije potrebna,
    - Dokaz o izvršenoj uplati administrativne takse u iznosu od 60 KM.
  6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude podnesen zahtjev za izdavanje vodne saglasnosti.
  7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
  8. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Investitor „DIAX“ d.o.o. Sarajevo podnio je zahtjev za izdavanje prethodne vodne saglasnosti u svrhu izrade dijela projektne dokumentacije za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za obradu kamena, na zemljištu označenom kao k.č. 2330/11 KO Brestovsko, mjesto Dugo Polje, općina Kiseljak.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

A-Opšta dokumentacija:

- Aktuelni izvod iz sudskog registra broj:065-0-RegZ-25-004478 os 04.04.2025. godine izdat od strane Općinskog suda u Sarajevu - ovjerena kopija,
- Uvjerenje o poreznoj registraciji od 02.03.2007. godine izdato od strane Kantonalnog poreznog ureda u Sarajevu - kopija,
- Rješenje o urbanističkoj saglasnosti, broj:03-19-1524/24 od 07.11.2024. godine izdato od strane Službe za gospodarstvo, urbanizam, zaštitu okoliša i komunalne poslove općine Kiseljak -kopija,
- Zemljišnoknjižni izvadak Katastarska opština Brestovsko, broj:049-0-NAR-25-003 329 Zemljišnoknjižni uložak broj:945 izdat od strane Općinskog suda u Kiseljaku,
- Kopija katastarskog plana, UR.Broj:05-26-1323/2025-2 od 25.07.2025. godine,
- Dokaz o uplaćenju federalnoj upravnoj pristojbi na zahtjev.

B-Tehnička dokumentacija:

- Studija uz zahtjev za izdavanje prethodne vodne saglasnosti za pogon za obradu kamena na lokaciji Dugo Polje, općina Kiseljak, urađena od strane „Perspektiva-inženjering“ d.o.o. Visoko, februar 2025. godine, broj:25.AM.PER.II/25.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 12.,13. i 14.09.2025. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Uvidom u dostavljenu dokumentaciju utvrđeno je slijedeće:

- U planiranom objektu će se odvijati priprema, obrada i brušenje kamena za oblaganje fasada, raznih vrsta obloga i nadgornih ploča i spomenika, kao i proizvodnja arhitektonske galanterije u vidu ukrasnih ploča, baštenskih garnitura i ostalih sortimenata iz proizvodnog programa.
- U krugu proizvodnog objekta će se sve vode sa strojeva skupljati putem kanala i cjevovodima dovesti u četverokomorni taložnik gdje se prirodnim putem vrši taloženje-sedimentacija. Izbistrena voda će se iz taložnika - četvrtog bazena pumpom vraćati u proizvodni objekat za ponovno korištenje u tehnološkom postupku.
- U slučaju velikih padavina i priliva velikih količina vode kao bypass će se koristiti cijev (ispust) i višak vode će se ulijevati u oborinsku kanalizaciju od saobraćajnice, a dalje preko separatora i kontrolnog okna se ispuštati u postojeći kanal.
- Investitor je predvidio izgradnju saobraćajnice unutar parcele, sa koje će oborinsku odvodnju voditi isključivo sa asfaltne površine preko slivnika i revizionih okana na tretman na separatoru ulja i masti, te preko monitoring okna ispust tretirane vode u postojeći kanal.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00,

45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-330-4/25 od 18.09.2025. godine.

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.


Obradivač akta:

mr Selma Merdan, dipl.inž.geol.

Po ovlaštenju

Rukovodilac Sektora za izdavanje vodnih akata

Mirhad Petro, dipl.inž.grad.



Dostaviti:  
- "DIA" d.o.o., Nedima Filipovića 27f, Sarajevo, Novo Sarajevo,  
- Org.jed. 40 – arhiva,  
- AVP Sava, ISV-vodna knjiga,  
- Oglasna ploča AVP Sava